


NORTHERN CAPE PROVINCE

PROFENSI YA KAPA-BOKONE



NOORD-KAAP PROVINSIE

IPHONDO LOMNTLA KOLONI

EXTRAORDINARY • BUITENGEWOON

Provincial Gazette
Kasete ya Profensi


iGazethi YePhondo
Provinsiale Koerant

Vol. 23

KIMBERLEY
28 APRIL 2016
28 APRIL 2016

No. 2008

We all have the power to prevent AIDS



**AIDS
HELPLINE**

0800 012 322

DEPARTMENT OF HEALTH

Prevention is the cure

N.B. The Government Printing Works will not be held responsible for the quality of "Hard Copies" or "Electronic Files" submitted for publication purposes

ISSN 1682-4549



9 771682 454009

02008



Government Printing Works

PROCESSING and Business Rules for notices

Government Printing Works will become the custodian of the Northern Cape Gazettes from **Monday, 04 January 2016**.

GPW will start accepting notices from Northern Cape (NC) customers with the following conditions:

- Any submissions received from the NCPL (Northern Cape Provincial Legislature) from the 01 January 2016 will be rejected.
- Any submissions received from NC customers where the proof of payment is made to NCPL will also be rejected.
- Over and above these 2 points, the GPW Business rules and Submissions deadlines will apply.

Please refer below for business and processing rules, submission deadlines and other important information related to publishing of notices in the Northern Cape Gazettes.

ORDINARY GAZETTES

Government Gazette Type	Publishing Frequency	Publication Date	Submission Deadline	Cancellations Deadline
Northern Cape	Weekly	Monday	One week before publication	3 days prior to publication
Northern Cape Liquor License Gazette	Monthly	First Friday of the month	Two weeks before publication	3 days after submission deadline

GPW BUSINESS RULES

- ☐ Single notice, single email – with proof of payment or purchase order.
- ☐ All documents must be attached separately in your email to GPW.
- ☐ 1 notice = 1 form, i.e. each notice must be on a separate form
- ☐ Please submit your notice **ONLY ONCE**.
- ☐ Requests for information, quotations and inquiries must be sent to the Contact Centre **ONLY**.
- ☐ The notice information that you send us on the form is what we publish. Please do not put any instructions in the email body.

CANCELLATIONS

Don't forget!

Cancellation of notice submissions are accepted by GPW according to the deadlines stated in the table above. Non-compliance to these deadlines will result in your request being failed. **Please pay special attention to the different deadlines for each gazette.**

Please note that any notices cancelled after the cancellation deadline will be published and charged at full cost.

Requests for cancellation must be sent by the original sender of the notice and must be accompanied by the relevant **notice reference number (N-)** in the email body.

PROVINCIAL NOTICES TYPES

Each province has standard notice types that are published in that specific provincial gazette. Please refer to the below table for the notice types applicable for the Northern Cape Provincial Gazette.

Province	Standard Notice Types
Northern Cape	- Proclamation
	- General
	- Municipal
	- Premier's Notice

CONTENTS

		<i>Gazette No.</i>	<i>Page No.</i>
	MUNICIPAL NOTICES • MUNISIPALE KENNISGEWINGS		
8	Grondwet van die Republiek van Suid-Afrika (108/1996): Kennisgewing van Khâi-Ma Munisipaliteit	2008	4
9	Grondwet van die Republiek van Suid-Afrika (108/1996): Kennisgewing van Khâi-Ma Munisipaliteit	2008	13

MUNICIPAL NOTICES • MUNISIPALE KENNISGEWINGS

MUNICIPAL NOTICE 8 OF 2016

KENNISGEWING VAN KHÂI-MA MUNISIPALITEIT

In ooreenstemming met artikel 162 van die Grondwet van die Republiek van Suid-Afrika (Wet No. 108 van 1996) het die Khâi-Ma Munisipaliteit die Verordening op Wetstoepassing aangeneem in terme van die raadsbesluit geneem op 10 Desember 2015 ten einde sy Wetstoepassingsbeleid te implimenteer en om uitvoering daaraan te gee, word gemelde Verordening hiermee kragtens Artikel 13(a) van die Wet op Plaaslike Regering: Munisipale Stelsels Wet, 2000 (Wet 32 van 2000) gepubliseer en sal in werking tree op datum van publikasie hiervan.

Mnr. Obakeng Isaacs
Munisipale Bestuurder

Verordening No.17,2015 VERORDENING OP WETSTOEPASSING, 2015**VERORDENING**

Om voorsiening te maak vir die voorkoming van misdaad in die Khâi-ma Munisipaliteit; en vir aangeleenthede wat daarmee in verband staan.

DAAR WORD BEPAAL deur die Khâi- ma Munisipaliteit, soos volg:-

Woordomskrywing

1. In hierdie Verordening, tensy uit die samehang anders blyk, beteken -

“motorwag” ‘n persoon wat aan ‘n ander persoon op ‘n openbare plek of op ‘n plek wat gewoonlik deur die publiek of enige deel daarvan gebruik word, ooreenkomstig ‘n reëling met so ‘n ander persoon, teen vergoeding homself of haarself beskikbaar stel vir die beskerming van voertuie, en het **“motorwagorganisasie”** ‘n ooreenstemmende betekenis;

“Munisipaliteit” die Khâi-Ma Munisipaliteit;

“openbare eiendom” ook ‘n brug, gebou, struktuur of vaste aanhegting wat deel uitmaak van ‘n openbare plek of wat in, op of by ‘n openbare plek voorkom of wat regtens openbare eiendom is;

“openbare plek” ook grond, ‘n park of oop ruimte, pad, straat, nagstraat of deurgang, brug, gebou of struktuur wat gewoonlik deur die publiek gebruik word, wat die eiendom van die Munisipaliteit is, of waarvan die beheer, tot die volle uitsluiting van die eienaar in die Munisipaliteit gevestig is, of waartoe die inwoners van die Munisipaliteit ‘n gemeenskaplike reg of toegang het; ook ‘n Besigheidsperseel waartoe die publiek in die normale loop van sake toegang het.

“**straat**” ook ‘n sypaadjie; en

“**wetstoepassingsbeampte**” iemand wat by of kragtens die een of ander wet gemagtig word om ‘n verordening van die Munisipaliteit te polisieër of toe te pas, ook n vredesbeampte aangestel ingevolge Artikel 334 (1) van Wet 51 van 1977, ‘n lid van die Suid Afrikaanse Polisiedienste en n beampte aangestel om wetstoepassingsdienste te verrig ingevolge Artikel 3A van die Nasionale Padverkeerswet Wet 93 van 1996

Beskadiging van openbare eiendom verbode

2. Niemand mag openbare eiendom verwyder, beskadig, ontsier, verberg of daarmee peuter nie.

Oppervlakte van strate mag nie geskend word nie

3. Behalwe in die uitvoering van sy of haar ampspligte, mag niemand die oppervlakte van ‘n straat merk, verf of op enige manier ontsier nie.

Vertoon van uithangborde, plakkate en baniere beheer

4. (1) Niemand mag -
 - (a) in, op of by ‘n openbare plek; of
 - (b) op so ‘n manier dat dit geredelik sigbaar is van ‘n openbare plek,
‘n uithangbord, plakkaat of banier wat onweloweglik, aanstootlik of onkuis is vertoon nie.
- (2) Behalwe met die voorafverkreë skriftelike toestemming van die Munisipaliteit en ooreenkomstig die voorwaardes deur die Munisipaliteit bepaal, mag niemand -
 - (a) op ‘n openbare plek; of
 - (b) op private eiendom (uitgesonderd private eiendom wat gesoneer is vir besigheidsverwante doeleindes of industrieëlverwante doeleindes by of kragtens die een of ander wet, gidsplan, dorpsaanlegskema of titelakte) op so ‘n manier dat dit geredelik sigbaar is van ‘n openbare plek,
adverteer deur die vertoon van ‘n uithangbord, plakkaat of banier nie.

Aanbring van straatnommers

5. Die eienaar of okkupant van ‘n beboude perseel moet die straatnommer deur die Munisipaliteit aan die perseel toegesê op ‘n opvallende plek wat na die betrokke straat front aanbring, op so ‘n manier dat dit geredelik leesbaar is van die straat.

Beskadiging van straatname en straatnommers verbode**6.** Niemand mag -

- (a) 'n bord waarop 'n straatnaam vertoon word;
 - (b) 'n straatnommer beoog in artikel 5; of
 - (c) 'n uithangbord deur die Munisipaliteit gemagtig of opgerig,
- beskadig, ontsier, verwyder of onleesbaar maak nie.

Beheer van bedel op of vanaf openbare plekke**7.** (1) Behalwe met die voorafverkreë skriftelike toestemming van die Munisipaliteit en ooreenkomstig die voorwaardes deur die Munisipaliteit bepaal, mag niemand –

- (a) In,op of vanaf 'n openbare plek bedel of aalmoese insamel nie;
- (b) van deur tot deur bedel of aalmoese insamel nie.

(2) Voorwaardes in subartikel (1) beoog moet -

- (a) afbakening van die gebied waarbinne die persoon mag bedel of aalmoese insamel;
- (b) tye waartydens die persoon mag bedel of aalmoese insamel;
- (c) plekke waar die persoon nie mag bedel of aalmoese insamel nie; en
- (d) die tydperk (wat nie langer as een jaar mag wees nie) waarvoor die toestemming verleen word,

insluit, maar is nie daartoe beperk nie.

(3) Iemand wat bedel of aalmoese insamel ooreenkomstig 'n geskrewe toestemming in subartikel (1) beoog, moet die toestemming in sy of haar besit hê en dit op versoek toon aan -

- (a) iemand wat deur daardie persoon genader word;
- (b) enigiemand met 'n klaarblyklike belang in sy of haar optrede; of
- (c) 'n wetstoepassingsbeampte.

Beheer oor motorwagte

8. (1) Niemand tree as 'n motorwag op nie tensy –
- (a) hy of sy geregistreer is as 'n sekuriteitsdiensverskaffer ingevolge die Wet op die Regulering van die Private Sekuriteitsbedryf, 2001 (Wet No. 56 van 2001); en
 - (b) hy of sy in diens is van 'n motorwagorganisasie en in die uitvoering van sy of haar pligte en onder die beheer van daardie organisasie optree.
- (2) 'n Motorwagorganisasie lewer nie 'n motorwagdiens nie tensy die organisasie -
- (a) vooraf die skriftelike toestemming van die Munisipaliteit verkry het en optree ooreenkomstig die voorwaardes in die toestemming aangedui;
 - (b) 'n "sekuriteitsbesigheid" is soos omskryf in die Wet op die Regulering van die Private Sekuriteitsbedryf, 2001 en voldoen aan die bepalings van artikel 20(2) van die Wet;
 - (c) toesien dat enige van sy werknemers wat diens as 'n motorwag lewer -
 - (i) te alle tye behoorlik geregistreer is as 'n sekuriteitsdiensverskaffer ingevolge die Wet op die Regulering van die Private Sekuriteitsbedryf, 2001; en
 - (ii) voldoen aan die bepalings van die gedragskode vir sekuriteitsdiensverskaffers bedoel in artikel 28 van die Wet op die Regulering van die Private Sekuriteitsbedryf, 2001.
- (3) Voorwaardes in subartikel (2)(a) beoog moet -
- (a) afbakening van die gebied waarbinne die motorwagorganisasie 'n motorwagdiens mag lewer;
 - (b) tye waartydens die motorwagorganisasie 'n motorwagdiens mag lewer;
 - (c) plekke waar die motorwagorganisasie nie 'n motorwagdiens mag lewer nie; en
 - (d) die tydperk (wat nie langer as een jaar mag wees nie) waarvoor die toestemming verleen word,
- insluit, maar is nie daartoe beperk nie.

Verbode handelinge met betrekking tot openbare plekke

9. (1) Niemand mag in, op of by 'n openbare plek enige voorwerp of stof -
- (a) wat die sindelikheid van die openbare plek mag belemmer; of
 - (b) wat 'n steurnis of gevaar vir enige mens, dier of voertuig wat die openbare plek gebruik mag veroorsaak,
- agterlaat, mors, laat val of neersit nie.
- (2) Niemand mag in, op of by 'n openbare plek spoeg, urineer of ontlas nie.
- (3) Niemand mag in n openbare plek weens dronkenskap, of oproerige, of onfatsoenlike gedrag, n steurnis, hindernis of gevaar vir enige mens, dier of voertuig wat die openbare plek gebruik, veroorsaak nie.

Inaseming, verskaffing of wegdoening van sekere stowwe verbode

10. (1) Behoudens die Wet op Dwelmmiddels en Dwelmsmokkelary, 1992 (Wet No. 140 van 1992), mag niemand die dampe van gom, 'n hegmiddel of vlugtige stof wat 'n bedwelkende of hallusinerende uitwerking het, inasem nie.
- (2) Niemand doen weg met die houer van 'n stof in subartikel (1) bedoel -
- (a) deur middel van die munisipale vullisverwyderingstelsel nie; of
 - (b) deur dit in, op of by 'n openbare plek te los nie.
- (3) Behoudens die Wet op Dwelmmiddels en Dwelmsmokkelary, 1992, verskaf niemand, teen betaling of andersins, 'n stof in subartikel (1) bedoel aan enigiemand indien dit redelikerwys duidelik is dat die stof verkry word met die doel om daardie subartikel te oortree nie.

Storting van vullis, agterlaat of ophoping van sekere voorwerpe of stowwe in openbare plekke verbode

11. (1) Niemand stort, vergaar, of laat enige tuinvullis, motorwrak of onderdeel, bourommel, vullis of ander afval agter -
- (a) in, op of by 'n openbare plek nie;
 - (b) behalwe op 'n plek deur die Munisipaliteit vir storting toegewys nie.
- (2) Behalwe met die voorafverkreë skriftelike toestemming van die Munisipaliteit en ooreenkomstig enige voorwaarde deur die Munisipaliteit bepaal, plaas niemand, of laat toe dat iemand 'n voorwerp of stof in subartikel (1) bedoel vanaf 'n perseel waarvan die persoon die eienaar of okkupeerder is in, op of by 'n openbare plek plaas nie.

Verbode handelinge met betrekking tot bome in openbare plekke

12. (1) Niemand mag –
- (a) 'n boom in 'n openbare plek breek of beskadig nie; of
 - (b) so 'n boom merk of verf nie.
- (2) Behalwe met die voorafverkreë skriftelike toestemming van die Munisipaliteit, mag niemand –
- (a) 'n advertensie op 'n boom in 'n openbare plek vertoon nie;
 - (b) 'n boom in 'n openbare plek afknot, top, snoei, afsaag of verwyder nie.

Vergader of versperring van strate verbode

13. Behoudens die Wet op die Reëling van Byeenkomste, 1993 (Wet No. 205 van 1993), mag niemand op só 'n manier in 'n straat vergader, sit, lê of stap, dat 'n versperring van die verkeer veroorsaak word of dat enigiemand anders wat die straat gebruik gestamp of verontrief word nie.

Verbodsbepalings met betrekking tot plekke van aanbidding

14. (1) Niemand mag onmiddellik voor, gedurende of na die samekoms, sonder goeie rede, in die onmiddellike nabyheid van 'n plek van aanbidding draal nie.
- (2) Niemand mag 'n persoon wat homself/haarself vereenselwig met 'n godsdienstige groepering en wat 'n samekoms bywoon of wat op pad is na, of vertrek vanaf 'n plek van aanbidding treiter, hinder of vertraag nie.

Oorlas verbode

15. Niemand mag in, op of by 'n openbare plek –
- (a) onweloweglike, aanstootlike of onkuise taal gebruik nie.
 - (b) rommel of vullis aan die brand steek of verbrand nie;
 - (c) enigiets wat 'n aanstootlike rook afgee verbrand nie;
 - (d) 'n aanstootlike reuk veroorsaak nie;
 - (e) ander mense versteur deur te baklei, te skree of te argumenteer nie;
 - (f) buitensporige geraas veroorsaak deur –
 - (i) te sing nie;
 - (ii) musiekinstrumente te bespeel nie;

- (iii) 'n engin te laat loop nie;
- (iv) die gebruik van 'n luidspreker, radio, televisie of soortgelyke toestel nie; of
- (v) dit op enige ander manier te maak nie.

Rusverstoring verbode

16. (1) Niemand mag die rus in 'n woongebied versteur deur buitensporige geraas te maak of deur luidrugtig te baklei, te skree of te argumenteer nie.
- (2) Behoudens die Wet op die Beheer van Vuurwapens (No 60 van 2000) en behalwe met die voorafverkree skriftelike toestemming van die Munisipaliteit, mag niemand n vuurwerk van enige aard binne die grense van die munisipaliteit afvuur of andersins aktiveer nie.

Beheer van adverteer met klankversterkers

17. Behalwe met die voorafverkree skriftelike toestemming van die Munisipaliteit en ooreenkomstig enige voorwaarde wat die Munisipaliteit mag bepaal, mag niemand deur die gebruik van 'n klankversterker op 'n besigheidperseel en op 'n manier dat dit van 'n openbare plek gehoor kan word -
- (a) musiek speel nie; of
 - (b) 'n mikrofoon of opname gebruik om enige lid van die publiek uit te nooi om die perseel binne te gaan of daar besigheid te doen nie.

Beheer oor werk bedel

18. Behalwe in 'n gebied deur die Munisipaliteit toegewys en gedurende tye deur die Munisipaliteit bepaal, mag niemand in of vanaf 'n openbare plek -
- (a) werk bedel nie; of
 - (b) op enige manier aan 'n lid van die publiek sy of haar bereidwilligheid om teen vergoeding werk te doen of 'n taak te verrig te kenne gee nie.

Beheer oor vertoon van onweloweglike beeldmateriaal

19. (1) Uitgesonderd in 'n aparte private lokaal, waartoe toegang alleen verkry kan word deur 'n deur waarop duidelik in drukskrif die woorde "Toegang slegs vir persone van 18 jaar en ouer" aangebring is en wat geleë is binne die betrokke sakeperseel, stal niemand wat sake doen in -
- (a) die verkoop, verhuring of vertoning van films; of
 - (b) die verkoop van publikasies,
- 'n film of publikasie uit waarvan die houer of buiteblad, na gelang van die geval, 'n tekening, prent, illustrasie, skildery, foto, beeld of kombinasie daarvan bevat wat seksuele gedrag uitbeeld nie.

(2) Vir die doeleindes van subartikel (1) beteken –

“film” –

- (a) enige reeks visuele beelde wat op enige stof, hetsy ‘n film, magnetiese band, skyf of ander materiaal, opgeneem is op so ‘n wyse dat daardie beelde deur gebruikmaking van daardie stof as ‘n bewegende prent gesien kan word;
- (b) die klankbaan verbonde aan en ‘n vertoonde illustrasie wat betrekking het op ‘n film soos in paragraaf (a) omskryf;
- (c) ‘n prent wat bestem is om deur middel van ‘n meganiese, elektroniese of enige ander toestel vertoon te word;

“publikasie” –

- (a) ‘n koerant, boek, tydskrif, pamflet, aanplakbiljet of ander drukwerk;
- (b) ‘n geskrif of tikwerk wat op enige wyse gedupliseer is;
- (c) ‘n tekening, prent, illustrasie of skildery;
- (d) ‘n afdruk, foto, gravure of litografie;
- (e) ‘n plaat, magnetiese band, klankbaan, behalwe ‘n klankbaan verbonde aan ‘n rolprent, of ander voorwerp waarin of waarop klank vir weergawe opgeneem is;
- (f) rekenaarprogrammatuur wat nie ‘n film is nie;
- (g) die omslag of verpakking van ‘n film;
- (h) ‘n afbeelding, kerfwerk, standbeeld of model;
- (i) ‘n boodskap of mededeling, met inbegrip van ‘n visuele aanbieding wat op ‘n verspreide netwerk geplaas word, waarby inbegrepe is, maar nie beperk is nie tot, die Internet; en

“seksuele gedrag” die vertoon van ‘n geslagsorgaan, masturbasie, geslagsverkeer, wat anale geslagsverkeer insluit, die streling, of aanraking met enige voorwerp, van ‘n geslagsorgaan, die penetrasie van ‘n vagina of ‘n anus met enige voorwerp, mondelinge genitale kontak, of mondelinge anale kontak.

(3) Die bepalings van subartikel (1) is nie van toepassing op iemand bedoel in artikel 24(1) van die Wet op Films en Publikasies, 1996 (Wet No. 65 van 1996), wat die houer is van ‘n lisensie om die besigheid van volwasse persele te bedryf, terwyl so iemand op sodanige persele besigheid doen nie.

Parkering van swaar voertuie, sleepwaens of karavane**20.** Niemand parkeer –

- (a) 'n voertuig met 'n bruto massa van meer as 9000 kg, of 'n sleepwa met 'n bruto massa van meer as 1000 kg, vir langer as 2 uur; of
 - (b) 'n karavaan vir langer as 24 uur,
- in 'n straat nie.

Verspreiding van strooibiljette gereguleer**21.** Behalwe met die voorafverkreë skriftelike toestemming van die Munisipaliteit, mag niemand –

- (a) 'n strooibiljet of soortgelyke advertensiestuk in of op enige voertuig wat in 'n openbare plek geparkeer is plaas of laat plaas nie; of
- (b) in of op 'n openbare plek aan enigiemand 'n strooibiljet of soortgelyke advertensiestuk uitdeel of laat uitdeel nie.

Strafbepaling

- 22.** (1) Iemand wat 'n bepaling van hierdie Verordening of 'n vereiste of voorwaarde daarkragtens oortree of versuim om daaraan te voldoen, is aan 'n misdryf skuldig.
- (2) Iemand wat skuldig bevind word aan 'n misdryf ingevolge subartikel (1) is strafbaar met 'n boete of met gevangenisstraf van hoogstens een jaar, of met beide 'n boete en met daardie gevangenisstraf.

Herroeping van wette en voorbehoude

- 23.** (1) Enige toestemming verkry, reg toegestaan, voorwaarde opgelê, aktiwiteit veroorloof of ding gedoen kragtens 'n herroepe wet word, na gelang van die geval, geag kragtens die ooreenstemmende bepaling van hierdie Verordening (as daar is), verkry, toegestaan, opgelê, veroorloof of gedoen te gewees het.

Kort titel

- 24.** Hierdie Verordening heet die Verordening op Wetstoepassing, 2015

MUNISIPALE KENNISGEWING 9 VAN 2016**KENNISGEWING VAN KHÂI-MA MUNISIPALITEIT**

In ooreenstemming met Artikel 162 van die Grondwet van die Republiek van Suid-Afrika (Wet No. 108 van 1996) het die Khâi-Ma Munisipaliteit die onderstaande Verordeninge aangeneem in terme van die raadsbesluit geneem op 10 Desember 2015 en om uitvoering te gee aan die implementering van die betrokke verordeninge word dit hiermee publiseer in terme van Artikel 13(a) van die Wet op Plaaslike Regering: Munisipale Stelsels Wet, 2000 (Wet 32 van 2000) en sal dit in werking tree vir die Khâi-Ma Munisipaliteit op datum van publikasie hiervan.

Mnr. Obakeng Isaacs

Munisipale Bestuurder

- 1. VERORDENING OP DIE BEHEER OOR ADVERTENSIE TEKENS EN ONTSIERING VAN VOORKANTE OF FRONTE VAN STRATE, 2015 - VERORDENING NO. 01,2015**
- 2. VERORDENING OP ANTENNESTELSELS, 2015 - VERORDENING - NO. 02,2015**
- 3. VERORDENING OP BEGRAAFPLASE, 2015 - VERORDENING - NO. 03,2015**
- 4. VERORDENING OP DIE BEHEER OOR AANHOU VAN HONDE, 2015 - VERORDENING NO. 04,2015**
- 5. VERORDENING OP DIE BEHEER OOR AANHOU VAN DIERE, PLUIMVEE EN BYE, 2015 - VERORDENING NO. 05,2015**
- 6. VERORDENING OP DIE BEHEER VAN STRAATHANDEL, 2015 - VERORDENING NO. 06,2015**
- 7. VERORDENING OP BOUBEHEER, 2015 - VERORDENING NO. 07,2015**
- 8. BRANDWEERVERORDENING, 2015 - VERORDENING NO. 08,2015**
- 9. ELEKTRISITEITSVERORDENING, 2015 - VERORDENING NO. 09,2015**
- 10. VERORDENING OP DIE MUNISIPALE MEENT, 2015 - VERORDENING NO. 10,2015**
- 11. KARAVANPARKVERORDENING, 2015 - VERORDENING NO. 11,2015**

- 12. VERORDENING OP TARIEWE, KREDIETBEHEER EN SKULDINVORDERING, 2015 - VERORDENING NO. 12,2015**
- 13. MUNISIPALE TAXISTAANPLEK VERORDENING, 2015 - VERORDENING - NO. 13,2015**
- 14. VERORDENING OP DIE VERWYDERING VAN AFVALSTOWWE, 2015 - VERORDENING NO. 14,2015**
- 15. VERORDENING OP VUURWERKE, 2015 - VERORDENING NO. 15,2015**
- 16. WATERDIENSTEVERORDENING, 2015 - VERORDENING NO. 16,2015**
- 17. VERORDENING OP WETSTOEPASSING, 2015 - VERORDENING NO.17,2015**
- 18. REGLEMENT VAN ORDE, 2015 - VERORDENING NO. 18,2015**

Printed by and obtainable from the Government Printer, Bosman Street, Private Bag X85, Pretoria, 0001.
Contact Centre Tel: 012-748 6200. eMail: info.egazette@gpw.gov.za
Publications: Tel: (012) 748 6053, 748 6061, 748 6065

Also available at the **Northern Cape Provincial Legislature**, Private Bag X5066, Nobengula Extension,
Kimberley, 8301. Tel. : (053) 839-8073. Fax: (053) 839-8094.